

## **BASES ORGANIZATIVAS**

### **“Marcha Solidaria Fina Acuña 2023”**

#### **Artigo 1. INFORMACIÓN XERAL**

A “Asociación de Diagnosticadas de Cancro de Mama e Xinecolóxico” ADICAM, coa colaboración dos Concellos de Cangas do Morrazo, Bueu e Moaña organizan a “**Marcha Fina Acuña** ” o domingo 22 de outubro de 2023.

A andaina consiste nunha camiñata, non competitiva na que o percorrido e o ritmo está marcada polo voluntariado asignado por ADICAM; non se establecen categorías de ningún tipo.

O percorrido será dende o Concello de Bueu e dende o de Moaña, ata a Casa da Bola, sendo unha distancia aproximada de 9,4 km e 6,4 Km respectivamente. A ruta é de baixo nivel para que poida acudir toda a familia. En base a isto, calcúlase que se tarda arredor de dúas horas camiñando.

A proba organízase a beneficio da **Asociación de Diagnosticadas de Cancro de Mama e Xinecolóxico**, que recibirá o 100% das inscricións e que se empregará en concepto de seguros.

#### **Artigo 2. OBXECTIVO**

O Obxectivo do evento é sensibilizar á poboación sobre o Cancro de mama e xinecolóxico e a importancia de colaborar de xeito altruísta para poder axudar ás mulleres diagnosticadas por esta enfermidade.

ADICAM é unha Asociación que axuda ás mulleres diagnosticadas de cancro de mama e xinecolóxico ofrecéndolles servizos gratuítos de psicoloxía, asesoramento en traballo social, nutrición e estética, fisioterapia, exercicio físico adaptado, orientación laboral, asesoramento legal, servizo de préstamo de perrucas e podoloxía entre outros. Tamén promove a prevención con hábitos saudables e a detección precoz.

O recadado irá integramente destinado á **ADICAM, Asociación de Diagnosticadas de Cancro de Mama e Xinecolóxico** e empregarase en concepto de seguro de accidentes, para todos os participantes.

Invitámosvos a colaborar e a participar nesta iniciativa solidaria, onde o pasaremos moi ben cunha mestura de deporte, ilusión e altruísmo.

### **Artigo 3. REQUISITOS**

*Poderán participar todas aquelas persoas que o desexen maiores de idade e menores de idade tutelados. As persoas participantes menores de idade deberán cumprimentar unha autorización paterna, materna ou do/a titor/a legal para poder participar, deberá facerse a través da páxina web no momento de facer a inscrición. No caso de non presentar dita autorización, non será posible a participación na proba.*

#### **PARA PARTICIPAR É OBRIGATORIO INSCRIBIRSE**

### **Artigo 4. CATEGORÍAS**

*Establécese unha única categoría integrada pola totalidade dos participantes.*

### **Artigo 5. DATA, LUGAR E PERCORRIDO**

*A “**Marcha Fina Acuña**” terá lugar o domingo 22 de outubro e conta cun dobre percorrido con dúas saídas*

- ***Dende o Concello de Bueu ás 9:45 h**, cun percorrido de 9,4 km, neste tramo irase pola beirarrúa..*
- ***Dende o Concello de Moaña ás 10:00h**, cun percorrido de 6,4 km, neste tramo invadirase a calzada.*

*A **chegada** en ámbolos dous percorridos será **na Casa da Bola en Cangas**, ás 12h da mañá aproximadamente. Calcúlase unha duración estimada de dúas horas.*

*Na saída farase un pequeno acto en cada un dos concellos.*

**O percorrido será sinalizado polo voluntariado de ADICAM.**

### **Artigo 6. INSCRICIÓN**

#### **Prazo de inscrición:**

*Remata o sábado 21 de outubro de 2023 ás 21:00h.*

#### **Modo de Inscrición:**

- *En liña: Páxina Web, aportando os datos persoais na web da la Federación Galega de Atletismo.*
- *O pago efectuarase na propia Páxina Web mediante tarxeta.*

- Na nosa sede de Cangas facilitaremos a inscrición a través da Páxina Web a aquelas persoas que non teñan facilidade ou acceso para facer este trámite.
- A inscrición implica a aceptación deste Regulamento e as súas condicións.

**Prezo:**

- O prezo será **1€** que irá destinado a cubrir os seguros.
- Dispoñemos dun **DORSAL CERO**, para a xente que desexe **COLABORAR** cun **DONATIVO** e que non poida participar.
- En tódalas categorías poderase doar voluntariamente unha cantidade maior á da cota.

**É OBRIGATORIO INSCRIBIRSE PARA PARTICIPAR NA ANDAINA.**

**Límite de prazos:** Non haberá límite de prazos.

**Artigo 7. AGASALLOS**

*Pano rosa símbolo da Asociación que poremos a disposición dos participantes nas dúas saídas dos Concellos de Bueu e Moaña.*

**Artigo 8. AVITUALLAMENTO**

*Haberá un posto de avituallamento de augas a chegada a Casa da Bola. Sede de ADICAM.*

**Artigo 10. CONSELLOS**

*Aconséllase levar roupa e calzado cómodo, actitude positiva e moitas ganas de pasalo ben.*

**Artigo 11. RESPONSABILIDADE**

*A andaina conta cun seguro de responsabilidade civil e cun seguro de accidentes coas coberturas mínimas esixidas no Real Decreto 849/1993, de 4 de xuño, polo que se determinan as prestacións mínimas do Seguro Obrigatorio Deportivo, subscritos pola Asociación ADICAM.*

## **Artigo 12. OUTRAS CONSIDERACIÓNS**

*A organización gardarse o dereito a modificar horarios e/ou percorridos, así como a aprazar ou suspender o evento se así o estima oportuno por razóns de seguridade.*

*No caso de que para o día da celebración do evento se decrete unha alerta vermella, buscarase unha nova data, adecuada para desenvolve-la, polo que non se devolverán os cartos da inscrición.*

*As persoas que durante o transcurso da carreira/andaina circulen por fóra do espazo delimitado polos vehículos de sinalización e/ou monitores da andaina, considéranse a todos os efectos usuarias normais da vía, polo que non nos facemos responsables.*

*Toda persoa que participe sen estar inscrita, farao baixo a súa responsabilidade e non estará amparada polos seguros do evento.*

*A organización e os seus colaboradores non se fan responsables dos danos morais ou materiais que así mesmos ou a outras persoas ocasionen as participantes no evento.*

*Os únicos vehículos que poderán seguir a proba serán os autorizados pola organización, e non está permitido o acompañamento das persoas participantes mediante o uso de vehículos de apoio.*

## **Artigo 13. PROTECCIÓN DE DATOS**

*En base á Lei Orgánica, de 5 de decembro, de Protección de Datos Persoais e garantía dos dereitos dixitais, os datos facilitados para a inscrición pasarán a formar parte do arquivo de Adicam para unha mellor xestión do evento e de futuras edicións. Poderá exercer os seus dereitos de aceso, rectificación, supresión, limitación e oposición na nosa sede de Cangas, sita na rúa Valentín Losada nº1 1º.*

*Coa inscrición, as persoas participantes autorizan á organización (ADICAM), aos colaboradores (Concello de Cangas e Deputación de Pontevedra) e aos patrocinadores do evento, a empregar calquera tipo de imaxe ou gravación con fins de difusión, promoción e explotación para todo o mundo mediante calquera dispositivo (internet, publicidade impresa, etc.) sen límite temporal.*